

問壽醫按診略



問齋醫案卷第二脾部

京口蔣寶素著長子小素校正

瓜洲李永福參訂

腫脹

經以胸腹乃臟腑之郭臙中爲心主之宮如匣匱而藏禁
器異名同處一域之中心勞太過十二官危馴致氣水相
搏身盡浮腫筋骨沉滯血脉壅塞九竅寥寥曲失其宜宜
開玄門潔淨府

羌活

獨活

防己

防風

蒼朮

白朮

茯苓

猪苓

澤瀉

黃芪

葶藶

大棗

腫脹雖有十水鼓脹膚脹腸覃石瘕諸名不越氣水相搏
血脉壅塞關津不利有所鍾聚而成身半以上天氣主之
身半以下地氣主之自上而下男從女逆自下而上男逆
女從上宜發汗下宜分利上下齊腫汗利兼行乃古之成
法見在身半以上盡腫頸脉動喘咳食減經閉血亦化水
水不潤下上泛爲災乃坤道危疴勉擬醫話啓玄煎挽之

麻黃

桂枝

蒼朮

獨活

苦杏仁

炙甘艸

防己

製半夏

厚朴

經以心腹滿旦食不能暮食爲鼓脹臍平筋露不治醫話
法製雞矢醴主之

雄雞矢白

四兩

無灰酒四兩炒乾

陳倉米二兩

已豆不去油十枚老絲瓜絡壹兩無灰酒二

兩同炒焦去巴豆瓜絡

蟾蜍

一箇約重四兩

打爛砂仁末二兩無灰酒二兩同炒

焦去砂仁末

右三味無灰酒壹斤長流水三斤煮數千滾約減半布袋

絞汁澄清分三五次溫服

腹大如鼓按之不堅色不變爲膚張宜發汗

麻黃

製附子

桂枝

防風

苦杏仁

炙甘草

黃芪

冬白朮

生姜

大棗

腹大如孕經不秘按之則堅推之則移爲腸覃非垢胎乃敗血盤踞子宮危症

油足肉桂

桃仁泥

赤芍藥

生大黃

炙甘草

紅花

懷牛膝

應 虫

經以諸脹腹大皆屬於熱又言臍寒生滿病蓋熱者濕熱也寒者脾虛也易傳離爲大腹中空之象故名曰鼓鼓亦作蠱蠱以三虫爲首虫亦能脹也故倉公治臨菑汜里女子病脹滿用芫花下虫數升而愈舊唐書甄立言治尼明律患心腹鼓脹用雄黃散吐出虫大如人指明皇雜錄太醫令周顧治黃門奉使交廣回腹中堅痞用消石雄黃散湧吐有虫生鱗甲者此皆鼓脹有虫之明驗也脉來弦數少神症由鬱怒操勞而起駢致水火不濟升降失司否而不泰更爲濕熱所乘肝風內擾風動濕蘊虫生以故腹脹

如鼓虛陽上越面赤如粧肝燥善怒肺燥善哭氣虛則自汗濕甚則便溏所服諸方都是法程寡效者病勢深遠也爰以扶二氣掃虫氛息肝風滲脾濕逐停瘀觀其近退

大生地

人參

當歸身

冬白朮

明雄黃

元明粉

製蒼朮

使君子

桃仁泥

川厚朴

雄雞矢白

服煎四劑鼻衄無多經通色紫停瘀融化有機症本血凝氣阻濕蘊虫生腫脹唇色多白而反鮮紅虫氣也脉仍弦數少神依方進步更益以蕩滌之品補中寓瀉兩協其平

不逐停瘀氣無以通不固其氣血何由化血非氣不行氣
非血不附血瘀則氣阻氣滯則血凝血行氣亦通氣通血
亦運此攻補兼施所以並行不悖書不云乎藥不瞑眩厥
疾不瘳此之謂也

大熟地 八錢

人參 二錢

明雄黃 一錢爲細末和服

元明粉 二錢和服

製蒼朮 錢半

川厚朴 一錢

雄雞矢中白 二兩陰陽瓦酒炒香

蟾蜍皮 一具砂仁一錢煎水炒黃

大棗肉 十枚葶藶二錢芫花二錢煎水炒焦去葶藶芫花

陳倉米 一兩巴豆七粒打碎不去油絲瓜絡三錢切細同炒黃不可焦去巴豆絲瓜絡

前方共服十有五劑鼓脹全消眠食俱安行健如故安不
忘危戒之在怒再擬醫話向榮丸專治肝木久失條舒杜
其反覆之患

大生地

人參

製半夏

當歸身

大白芍

黃鬱金

佩蘭葉

雲茯苓

冬白朮

炙甘艸

陳橘皮

銀柴胡

水疊丸早晚各服二錢

腎統諸經之水肺司百脉之氣脾爲中土之臟腎虛不能
約水肺虛不能行水脾虛不能制水泛溢皮膚則腫流注

臟腑則脹脾土非腎火不生肺金非脾土不長補脾必先
補腎腎爲先天之本補腎宜兼補脾脾爲生化之原治水
必先治氣氣化水亦化治氣宜兼治水水行氣亦行此脾
腎氣水之難分而治當兼顧考前賢治法惟薛立齋加減
金匱腎氣湯最當如所用附子肉桂以補陰中之火熟地
山藥山萸牛膝以益陰中之水茯苓澤瀉車前以利陰中
之濕能使氣化於精即所以治肺補火生土即所以治脾
壯水通竅即所以治腎補而不滯利而不伐通陽氣致津
液開玄門潔淨府一以貫之矣

大熟地

粉丹皮

建澤瀉

懷山藥

山萸肉

雲茯苓

製附子

油肉桂

懷牛膝

車前子

脾爲中土之臟諫議之官賴真火以煦和真水以濡潤腎
中水火皆虧氣不歸精則喘土不制水則腫健運失常則
脹背爲陽乃五臟所系脹從背起五五二十五陽均皆不
足非獨脾腎爲言也脉來細澁如絲喘腫滿危疴已著勉
擬金匱腎氣挽之 金匱腎氣湯見前

病起秋杪延今入春食飲少思心神恍惚面色戴陽二便
不爽腫自足起蔓延於上乾道爲逆顯係火虧土困水流

濕而就下陰病下行極而上留於脾則中滿注於肺則氣喘最有喘滿之變脉細無神慮難收效勉擬金匱腎氣挽之金匱腎氣湯見前

六脉沉細如絲命門眞火不足火不生土土不生金水道無以通調腫脹由茲而起法當益火之原以消陰翳金匱腎氣主之金匱腎氣湯見前

喘滿腫乃命門眞火不足不能生土土不生金脾肺腎交困考之於古驗之於今非金匱腎氣烏能奏效金匱腎氣湯見前

腹滿筋露臍平遍身悉腫下部尤甚面戴陽色氣促不得臥喉間水雞聲顯是火虧於下土困於中肺虛於上氣不

行水脾不制水腎不約水乃水鼓危疴勉擬金匱腎氣然桂無佳品終屬不濟

金匱腎氣湯見前

脾肺腎交虧喘滿腫俱見急以金匱腎氣挽之

金匱腎氣湯見前

產後血化爲水腫脹出於金匱要畧腎氣湯主之然桂無佳品以鹿代之

大熟地

懷山藥

山萸肉

雲茯苓

粉丹皮

建澤瀉

製附子

鹿茸

久客魚鹽之地海濱傍水濕熱由生腹大漸至臍平竟似河魚腹疾慮難收效

製蒼朮

川厚朴

赤茯苓

猪苓

福澤瀉

車前子

木通

白丑末

赤小豆

雄雞矢白酒水各半煎

水腫有陰陽之別逆順之異陽水易治陰水難醫男子自下腫上爲逆女子反之腫處色紅內熱作渴能食脉數此爲陽水乃逆中順候補中寓瀉主之

大生地

粉丹皮

福澤瀉

懷山藥

雲茯苓

黑丑末

懷牛膝

車前子

小茴香

細滑石

生甘艸

經以腎乃胃之關關門不利故聚水而從其類其本在腎其末在肺氣水不順鍾聚爲腫宜順其勢上下分消爲主

羌活

獨活

防己

防風

冬瓜子

苦杏仁

茯苓皮

五加皮

桑白皮

大腹皮

生姜皮

紫背萍

瘧作數次忽止腹脹漸至臍平四肢先腫腫消而更瘦削如蜘蛛之狀乃瘧鼓危疴擬東醫寶鑑金甲散加味盡其心力

雞冠雄黃

穿山甲

常山

草豆蔻

川厚朴

海南檳榔

人參

冬白朮

製半夏

陳橘皮

生薑

大棗

腎爲水之下源肺爲水之上源膀胱爲水之導引脾土爲水之防堤水腫總是氣化無權治水之法禹功疎鑿雖善然非羸弱所宜虛則崇土前賢成法如商陸甘遂大戟芫花等行水雖速防堤不固正氣不支終屬不濟

人參

冬白朮

雲茯苓

炙甘草

木猪苓

福澤瀉

油足肉桂

生 姜

大 棗

素飲澗水沉寒水流濕就下腎氣先傷傳之於脾注之於肺遂成單腹危病勉擬附子理中冀其或免

製附子

人 參

冬白朮

炙甘艸

炮 姜

經以諸濕腫滿皆屬於脾脾虛濕熱不化氣水鍾聚而爲腫脹扶脾滲濕主之

人 參

赤茯苓

廣藿香

大砂仁

製香附

冬白朮

製附子

雄雞矢白